

原版
影印

郝氏爾雅義疏

文瑞樓發行

爾雅郭注義疏上之四

棲霞郝懿行學

釋親弟四

釋名云親視也言相隱視也說文云親至也一切經音義九引蒼頡篇云親愛也近

也然則親愛至近無如父母故親始於父母禮記奔喪及問喪注竝云親父母也公羊莊卅二年傳君親無將注亦云親謂父母是父母稱親之義也穀梁隱元年傳親親之道也詩云戚戚兄弟是兄弟稱親之義也郊特牲及哀公問竝云親之也者親之也是夫婦稱親之義也左氏昭廿五年傳云爲父子兄弟姑姊甥舅昏媾媼亞以象天明杜預注以六親爲釋正義曰六親謂父子兄弟夫婦也此篇首宗族次母黨次妻黨次婚媼皆親屬也故總曰釋親

父爲考母爲妣

禮記曰生日父母妻死曰考妣嬪今世學者從之按尙書曰太傷厥考心事厥

考厥長聰聽祖考之彝訓如喪考妣公羊傳曰惠公者何隱之考也仲子者何桓之母也蒼頡篇曰考妣延年書曰嬪于虞詩曰聿嬪于京周禮有九嬪之官明此非成生之異稱矣其義猶今謂兄爲舅妹爲媢卽是此例也

此釋父母之異稱也考者釋詁云成也妣者說文云媼母也曲禮云生日父曰母歿曰考曰妣鄭注考成也言其德行之成也妣之言媼也媼於考也然則考妣者父母之異稱曲禮雖云存媼異號若通言之則生存亦稱考妣終媼亦稱父母故士喪禮云哀子某爲其父某甫筮宅又云十葬其父某甫是終媼稱父母之例也方言云南楚瀑沔之間謂婦妣曰母媼稱妣稱婦考曰父媼郭注古者通以考妣爲生存之稱此注引蒼頡篇考妣延年是生存稱考妣之例也

父之考爲王父父之妣爲王母加王者尊之也王父之考爲曾

祖王父王父之妣爲曾祖王母曾猶重也曾祖王父之考爲

高祖王父曾祖王父之妣爲高祖王母高者言最在上

此從父母推而上之至於高曾祖以親由父母起故還從父母稱之也釋名云父甫也始生己也母冒也含生己也是親由父母之義又云祖祚也祚物先也又謂之王父王睢也家中所歸睢也王母亦如之然則祖父母而曰王者王大也君也尊上之稱故王父母亦曰大父母也會者重也說文云曾益也與增同釋名云曾祖從下推上祖位轉增益也高者尊崇之稱釋名云高祖高舉也最在上皋韜諸下也曲禮云祭王父曰皇祖考王母曰皇祖妣變文言皇者鄭注更設尊號尊神異於人也皇君也然則皇王皆大君之稱其義亦同祭法又以曾祖王父爲皇考高祖王父爲顯考曲禮所言祭時之尊號祭法所說廟制之殊稱皆非常義所施是至於存叔通稱則以爾雅爲正焉

父之世父叔父爲從祖祖父父之世母叔母爲從祖祖

母

從祖而別世統異故

父之舅弟先生爲世父後生爲叔父

世有爲嫡

者嗣世統故也

此又推言父之伯叔兄弟也釋名云父之世叔父母曰從祖父母言從已親祖別而下也亦言隨從已祖以爲名也檀弓注云敬姜者康子從祖母魯語云公父文伯之母季康子之從祖叔母也韋昭注祖父昆弟之妻也然則準是而言父之世父當爲從祖伯父父之叔父當爲從祖叔父爾雅文畧魯語則詳矣又言世父叔父者釋名云父之兄曰世父言爲嫡統繼世也又曰伯父伯把也把持家政也父之弟曰仲父仲中也位在中也仲父之弟曰叔父叔少也叔父之弟曰季父季癸也甲乙之次癸最在下季亦然也然則爾雅不言仲父季父者亦畧之如從祖父之例世父叔父俱有父名者喪服傳曰世父叔父何以期也

與尊者一體也。舅者，說文云：周人謂兄曰舅。玉篇省作舅。爾雅又作舅，釋文本亦作昆，下同。

男子先生爲兄，後生爲弟。男子謂女子，先生爲姊，後生

爲妹。父之姊妹爲姑。

此釋兄弟、姑姑、姊妹之親也。姑與世父、叔父尊同而別言之者，以與姊妹同類故也。兄弟者，釋名云：兄，荒也；弟，大也。故青徐人謂兄爲荒也。弟，第也，相次第而生也。白虎通云：兄者，況也。況，父法也。弟者，悌也。心順行篤也。姊妹者，女兄弟也。異其稱者，別之也。釋名云：姊，積也。猶日始出，積時多而明也。妹，昧也。猶日始入，歷時少，尙昧也。白虎通云：姊者，恣也。妹者，未也。按詩云：遂及伯姊。是女子亦謂女子。先生爲姊，爾雅畧舉一邊耳。姑者，釋名云：父之姊妹曰姑姑。故也。言於已爲久，故之人也。詩：泉水正義引孫炎曰：故之言古尊老之名也。左氏襄十二年正義引樊光曰：春秋傳云：姑姑。姊妹按襄廿一年傳有公姑姊列女傳有梁節姑姑。

然則古人謂父姊爲姑姊父妹爲姑妹今人省文故單稱姑爾雅不言者亦畧之

父之從父舅弟爲從祖父父之從祖舅弟爲族父族父

之子相謂爲族舅弟族舅弟之子相謂爲親同姓同姓之親

無服屬兄之子弟之子相謂爲從父舅弟從父而別

云父之從父舅弟者是卽父之世父叔父之子也當爲從父而言從祖父者言從祖而別也亦猶父之世

父叔父爲從祖祖父之例也御覽五百一十三引作父之從父昆弟爲從伯叔按從伯叔古無此稱蓋誤

耳喪服小功章亦云從祖父母通典九十二引馬融云從祖祖父之子是父之從父昆弟也云父之從祖

舅弟者是卽從祖父之子也族父亦當爲族祖父如下文族祖母之例御覽引亦作族父喪服云從祖昆

弟鄭注父之從父昆弟之子通典引馬融云謂曾祖孫也於己爲再從昆弟同出曾祖故言從祖昆弟總

麻三月章云族父母族昆弟通典引馬融云族父從祖昆弟之親也賈疏云族父母者己之父從祖昆弟也族昆弟者己之三從兄弟也按謂之族者白虎通云族者湊也聚也謂恩愛相流湊也云族昆弟之子相謂爲親同姓者是四從兄弟同出高祖者也大傳云四世而總服之窮也又云絕族無移服鄭注族昆弟之子不相爲服是則所謂親同姓也賈子六術篇云六親始曰父父有二子二子爲昆弟昆弟又有子子從父而昆弟故爲從父昆弟從父昆弟又有子子從祖而昆弟故爲從祖昆弟從祖昆弟又有子子從曾祖而昆弟故爲從曾祖昆弟從曾祖昆弟又有子子爲族兄弟備於六此之謂六親按此以從曾祖昆弟當爾雅族昆弟以族兄弟當爾雅親同姓其義自明矣云兄弟之子相謂爲從父昆弟者此覆釋上文之義也喪服大功章云從父昆弟鄭注世父叔父之子也

子之子爲孫

孫猶後也

孫之子爲曾孫

曾猶重也

曾孫之子爲玄

孫

玄者言親屬微昧也

玄孫之子爲來孫

言有往來之親

來孫之子爲舅

孫

舅後也汲冢竹書曰不啻之舅孫

舅孫之子爲仍孫

仍亦重也仍孫之子

爲雲孫

言輕遠如浮雲

此釋子孫之異名也釋名云子孳也相生蕃孳也孫遜也遜遁在後生也按孫亦遠孫之通稱詩后稷之孫實維大王是也曾孫者釋名云義如曾祖也按曾孫又遠孫之通稱詩曾孫篤之鄭箋曾猶重也自孫之子而下事先祖皆稱曾孫孔疏引哀二年左傳云曾孫蒯聵敢告皇祖文王烈祖康叔是其義也玄孫者釋名云玄懸也上懸於高祖最在下也說文玄幽遠也來孫者釋名云此在無服之外其意疏遠呼之乃來也按此說來字似望文生義來之言離也離亦遠也下文謂出之子爲離孫離來音義同耳舅孫者釋名云昆貫也恩情轉遠以禮貫連之耳按舅孫亦遠孫之通稱左氏昭十六年傳云孔張君之昆孫據

孔張是鄭穆公之曾孫今云昆孫則亦通名郭本釋言昆後是矣仍孫者釋名云以禮仍有之耳恩意實遠也按此說仍字亦非郭訓重是也其義如曾孫矣仍孫或稱耳孫耳仍音相轉也雲孫者釋名云言去已遠如浮雲也按雲古文作云廣雅云云遠也然則雲孫謂遠孫猶言裔孫也如浮雲之說亦望文生義矣

王父之姊妹爲王姑曾祖王父之姊妹爲曾祖王姑高祖王父之姊妹爲高祖王姑父之從父姊妹爲從祖姑父之從祖姊妹爲族祖姑

王姑者從王父而得尊稱也喪服總麻章謂之父之姑是也曾祖王姑高祖王姑其義竝同父之從父姊妹爲從祖姑其義與父之從父兄弟爲從祖父同父之從祖姊妹爲族祖姑其義與父之從祖兄弟爲族

同父

父之從父舅弟之母爲從祖王母父之從祖舅弟之母
爲族祖王母父之兄妻爲世母父之弟妻爲叔母父之
從父舅弟之妻爲從祖母父之從祖舅弟之妻爲族祖
母

父之從父舅弟之母者是卽父之世母叔母也上云
從祖祖母此言從祖王母一耳父之從祖舅弟之母
是卽族父之母也謂爲族祖王母卽族祖祖母也父
之兄妻爲世母弟妻爲叔母者喪服傳云世母叔母
何以亦期也以名服也大傳云服術有六三曰名鄭
注名世母叔母之屬也按此二母亦稱伯母叔母故
雜記云伯母叔母疏衰踊不絕地是也父之從父舅
弟之妻爲從祖母者上云父之從父舅弟爲從祖父

故其妻爲從祖母也父之從祖兄弟之妻爲族祖母者上云父之從祖兄弟爲族父故其妻爲族祖母也本爲族母言祖者亦如從母言從祖母之例

父之從祖祖父爲族曾王父父之從祖祖母爲族曾王母

族曾王父母卽己之從曾祖父母也喪服總麻三月章族曾祖父母鄭注曾祖昆弟之親也賈疏己之曾祖親兄弟也

父之妾爲庶母

庶者衆也庶母猶言諸母也妾者釋名云接也以賤見接遇也庶撫也拾撫之也謂拾撫微賤待遇之也喪服總麻三月章云士爲庶母傳曰何以總也以名服也大夫以上爲庶母無服

祖王父也舅兄也

今江東人通言舅

此覆釋上文之義上云父之考爲王父喪服謂之祖父母卽王父母也舅兄已見釋言昆後也下

宗族

題上事也宋本此二字進在前非今從唐石經改正下俱放此謂之宗族者宗尊也

主也族湊也聚也然則父之黨謂宗族不言父黨者母妻異姓故別稱黨父族同姓故總言宗也族也

母之考爲外王父母之妣爲外王母母之王考爲外曾

王父母之王妣爲外曾王母

異姓故言外

言外者所以別於父族也外王父母喪服小功五月章云爲外祖父母傳曰何以小功也以尊加也賈疏云外親之服不過總麻以祖是尊名故加至小功通典引馬融云母之父母也本服總以母所至尊加服

小功故曰以尊加按檀弓云或曰外祖母也故爲之服鄭注外祖母小功也然則外曾王父母禮不爲制服故畧之

母之舅弟爲舅母之從父舅弟爲從舅

舅者詩渭陽正義引孫炎曰舅之言舊尊長之稱喪服總麻三月章云舅傳曰何以總從服也鄭注從於母而服之按母之從父舅弟爲從舅此於禮無服開元禮謂之堂舅也

母之姊妹爲從母從母之男子爲從母舅弟其女子子

爲從母姊妹

從母者猶宗族之中有從父言從母而得尊稱也檀弓云從母之夫言從母有服其夫無服也喪服小功章云從母丈夫婦人報傳曰何以小功也以名加也外親之服皆總也按異姓服不過總以有母名故加

重也然則舅與從母尊同而服異者以從母與母同類尤親故順母之心而加之以知者從母有母名舅無父名也云從母舅弟從母姊妹者以從母有母名故子亦有舅弟姊妹之名也喪服總麻三月章云從母昆弟傳曰何以總也以名服也左氏襄廿三年傳云穆姜之姨子也杜預注穆姜姨母之子與穆姜爲姨昆弟正義云據父言之謂之姨據子言之當謂之從母但子效父語亦呼爲姨按釋名云母之姊妹曰姨傳言姨子知時已有姨母之稱緣父呼姨故子呼曰姨母雖不合爾雅及禮經之言時俗稱謂亦尙未巨失也後世踵之遂有姨兄弟姨姊妹之稱矣

母黨

亦題上事也黨猶所也以皆母所屬大傳云從服有屬從鄭注子爲母之黨本爾雅

爲言也

妻之父爲外舅妻之母爲外姑

謂我舅者吾謂之甥然則亦宜呼壻爲甥孟子

曰帝館甥於貳室是也

舅姑皆尊老之稱加外者別之也釋名云外舅外姑言妻從外來謂至己家爲婦故反以此義稱之夫妻匹敵之義也坊記云壻親迎見於舅姑舅姑承子以授壻鄭注舅姑妻之父母也喪服總麻三月章云妻之父母傳曰何以總從服也鄭注從於妻而服之服問云有從重而輕爲妻之父母鄭注妻齊衰而夫從總麻不降一等言非服差

姑之子爲甥舅之子爲甥妻之兄弟爲甥姊妹之夫爲

甥四人體敵故更相爲甥甥猶生也今人相呼蓋依此

此因妻黨而并及外親敵體者之稱也喪服總麻三月章云姑之子鄭注外兄弟也傳曰何以總報之也又云舅之子鄭注內兄弟傳曰何以總從服也釋名云妻之兄弟曰外甥其姊妹女也來歸己內爲妻故

其男爲外姓之甥甥者生也他姓子本生於外不得
如其女來在己內也按妻之舅弟者婚兄弟也姊妹
之夫者姁兄弟也檀弓云申詳之哭言思鄭注言思
子游之子申詳妻之昆弟然則申詳爲言思姊妹之
夫也有相哭之禮無相服之道故喪服篇無文此四
甥字竝生之聲俗據郭注及釋名知古來有此稱今
所不行又按左傳有駢甥聯甥養甥陰飴甥恐亦俗甥爲生所未詳

妻之姊妹同出爲姨

同出謂俱己嫁
詩曰邦侯之姨

女子謂姊妹之夫

爲私

詩曰譚
公維私

姨者左氏莊十年傳蔡侯曰吾姨也據蔡侯息侯同
娶陳是夫於妻之姊妹互相謂姨也釋名云妻之姊
妹曰姨姨弟也言與己妻相長弟也說文云妻之女
弟同出爲姨變姊妹爲女弟者蓋古之媵女取於姪
姊妹爲妻則姊爲妾同事一夫是謂同出詩碩人及
左傳正義竝引孫炎曰同出俱己嫁也然則此有二